

國

語

正

義

國語正義卷第十二

歸安董增齡撰集

晉語五

曰季使舍於冀野

解

曰季胥臣也冀晉邑郊外曰野

疏

解冀晉邑○僖三十三年傳杜注晉邑水經汾水注汾水又逕冀亭南京相璠曰今河東皮氏縣有冀亭古之冀國所都也杜預釋地曰平陽皮氏縣東北有冀亭案在今山西平陽府河津縣東界

冀缺耦其

妻饁之

解

冀缺卻成子也耦耦也野饁曰饁詩曰饁彼

南畝

疏

解耦耦至南畝○說文木部耦器也或从金

疏

莸茶蓼爾雅釋詁饁饁也詩疏引孫敬相待如賓**解**夫

炎爾雅

注饁

野之餉說文饁餉田也敬相待如賓

解夫

婦相敬如賓也從而問之冀芮之子也與之歸既復命

而進之曰臣得賢人當以告文公曰其父有學可乎解
文公元年冀芮畏僞與呂卻謀弑公焚公宮秦伯殺之
故也對曰國之良也滅其前惡解滅除也是故舜之刑
也殛鯀其舉也興禹解殛誅也鯀禹父今君之所聞也
齊桓親舉管敬子其賊也解敬子管子之謚也公曰子
何以知其賢也對曰臣見其不忘敬也夫敬德之恪也
恪於德以臨事其何不濟公見之使爲下軍大夫解在
文公時而於此言之者以襄公能繼父志用冀缺也傳
曰襄公以父命賞胥臣曰舉卻缺子之功也以一命命
卻缺爲卿復與之冀故云冀缺

陽處父如衛反過甯解處父晉太傅陽子也如衛聘衛

也在魯文五年甯晉邑今河內修武是也疏甯晉至

元年傳杜注甯今修武縣近吳澤水經清水注清水又

東南流吳澤水注之水上承吳陂於修武故城西北

修武故甯也亦曰南陽應劭地理風俗記云秦始皇改

曰修武徐廣王隱並言始皇改甯注漢書云案韓非書

秦昭王越趙長平西伐修武時秦未兼天下修武之名

久矣余案韓詩外傳言武王伐紂勒兵於甯更名甯曰

修武矣舍於逆旅甯嬴氏解旅客也逆客而舍之也嬴其

姓疏解旅客至其姓。文五年傳孔疏引國語賈逵孔

炫以甯嬴直是逆旅之主非大夫也孔疏中杜義云若

是逆旅之主則身爲匹庶是卑賤之人猶如重館人告

文仲重邱人罵孫蒯止應稱人而已何得名氏見傳齡

案地官遂人五十里有市市有候館候館卽逆旅然周

禮並無逆旅大夫之官且甯嬴果居大夫之位不應擅

離職守而從聘賓遠適況匹庶之名之見于傳者斐豹

弦高之等指不勝屈何嘗非
庶人也劉光伯之說得之 羸謂其妻曰吾求君子久

矣乃今得之舉而從之解舉起也陽子道與之語及山

而還解山河內溫山傳曰及溫而還疏解山河至而還

注溫河內溫縣今屬河南懷慶府古溫城在縣西南三十里 其妻曰子得所求而不

從之何其懷也解懷思也曰吾見其貌而欲之聞其言

而惡之夫貌情之華也解容貌者情之華采言貌之機

也解言語者容貌之樞機身爲情解情生於身也成於

中言身之文也言文而發之合而後行離則有解合

謂情也貌也言也三者合而後行豐隙也今陽子之貌

濟其言圓非其實也解濟成也言不副貌爲圓圓乏也

若中不濟而外彊之解謂情不足而貌彊爲之其卒將
復解復反也反其情也中外易矣解易猶異也若外內
類而言反之瀆其信也解類善也瀆輕也夫言以昭信
奉之如機解如樞機之相應歷時而發之解言思察之
詳熟胡可瀆也今陽子之情譏矣解譏辨察也以濟蓋
也解濟成也成其容貌以蓋其短也且剛而主能解主
上也言性剛直而高尙其材能也不本而犯怨之所聚
也解不本行不本仁義也犯犯人也吾懼未獲其利而
及其難是故去之期年乃有賈季之難陽子死之解賈
季晉大夫狐偃之子射姑也食采於賈字季宅唐尙書

云晉蒐於夷舍二軍昭謂初晉作二軍魯文五年晉四卿卒至六年晉蒐於夷舍二軍復成國之制狐射姑將中軍趙盾佐之陽子至自溫改蒐于董使趙盾將中軍射姑佐之射姑怨陽子之易其班也使狐鞠居殺陽處父而奔翟

趙宣子言韓獻子於靈公以爲司馬解宣子晉正卿趙

衰之子宣孟盾也獻子韓萬之元孫子與之子厥也靈

公襄公之子夷皐也司馬爲軍吏矣疏解司馬爲軍吏

之法上大夫二興二乘中大夫二興一乘下大夫專乘

專乘謂一興文公作三行一司馬三行爲六興司馬專

乘合七興之數案司馬位河曲之役解河曲晉地魯文

下大夫故二爲軍吏也

十二年秦伐晉戰於河曲

疏

解河曲晉地○文十二年杜注河曲在河東蒲坂縣

南今山西蒲州府城外東南隅有蒲坂縣故城在

趙孟使人以其乘車千行

解

趙孟宣子也干犯也行軍列也獻子執而戮之衆咸曰

韓厥必不沒矣

解

沒終也其主朝升之而莫戮其車

解

其主人車車僕也獻子因趙盾以爲主盾升之於公朝

莫喻速也其誰安之宣子召而禮之曰吾聞事君者比

而不黨

解

比比義也阿私曰黨夫周以舉義比也

解

忠信曰周舉以其私黨也夫軍事無犯犯而不隱義也

解

任公爲義吾言汝於君懼汝不能也舉而不能黨孰大

焉事君而黨吾何以從政吾故以是觀汝

解

觀汝能否

汝勉之苟從是行也解勉之勸終其志是行今所行也
臨長晉國者非汝其誰解臨監也長帥也皆告諸大夫
曰二三子可以賀我矣吾舉厥也而中吾乃今知免於
罪矣

宋人殺昭公解宋人宋成公之子文公鮑也昭公鮑之
兄杵臼也殺昭公在魯文十六年趙宣子請師於靈公
以伐宋公曰非晉國之急也對曰大者天地其次君臣
所以爲明訓也解言尊卑各得其所所以明教訓也今
宋人殺其君是反天地而逆民則也解則法也天必誅
焉晉爲盟主而不修天罰解修行也將懼及之公許之

乃發令于太廟召軍吏而戒樂正解正長也軍吏主師

旅樂正主鍾鼓令三軍之鍾鼓必備趙同曰國有大役

解役事也趙同盾弟晉大夫原同也不鎮撫民而備鍾

鼓何也宣子曰大罪伐之小罪憚之解憚懼也襲侵之

事陵也解輕曰襲無鍾鼓曰侵陵以大陵小也是故伐

備鍾鼓聲其罪也解以聲章其罪也戰以鐔于丁甯儆

其民也解鐔于形如碓頭與鼓相和丁甯謂鉦也儆戒

也唐尚書云鐔于鐃也非也鐃與鐔于各異物疏解鐔

異物○地官鼓人以金鐃節鼓注鐃鉦也形如小鍾軍

行鳴之以爲鼓節此卽丁甯也鼓人又云以金鐔和鼓

注鐔滄于也其形圓如碓襲侵密聲爲蹙事也解蹙蹙

頭故知丁甯與滄于異物

其無備今宋人殺其君罪莫大焉明聲之猶恐其不聞也吾備鍾鼓爲君故也解爲欲尊明君道也乃使旁告於諸侯治兵振旅鳴鍾鼓以至於宋解振奮也伐宋在魯文公十七年

靈公虐趙宣子驟諫解虐厚斂以彫牆支解宰夫之屬公患之解患疾也使鉏麇賊之解鉏麇力士賊殺也晨往則寢門辟矣解辟開也盛服將朝早而假寐解不脫冠帶而寐曰假寐麇退歎而言曰趙孟敬哉解言風興敬恪也夫不忘恭敬社稷之鎮也解鎮重也賊國之鎮不出受命而廢之不信享一名於此不若死解享受也

殺之爲不忠不殺爲不信故得一名也觸廷之槐而死

解廷外朝之廷也周禮王之外朝三槐三公位焉則諸

侯之朝三槐三卿位焉**疏**觸廷之槐而死○宣三年傳

春秋與此傳同文並云觸廷槐而死故宏嗣以外朝三

槐釋之顧炎武謂退而觸槐則非趙盾庭樹矣杜說妄

爲立異**靈公將殺趙盾不克****解**魯宣二年秋晉侯飲趙

盾酒伏甲將攻之盾覺而走故不克**趙穿攻公於桃園**

解趙穿晉大夫趙夙之孫趙盾從父昆弟武子穿也桃

園園名**疏**從父昆弟子孔疏引世本族譜盾是衰子穿

是夙孫晉語宋公孫固曰趙衰趙夙之弟也是穿爲盾

之從父昆弟子非從父昆弟章解乃据史記趙世家夙

生公孟公孟生衰文以盾爲夙曾孫又依世本以穿亦

爲夙曾孫故云從父昆弟齡案閔二年夙爲獻公戎御

僖五年衰從文公出止隔六年則爲兄弟非祖孫明甚公孫固之言倍可徵信是盾以夙爲伯父穿以夙爲祖則穿爲盾從父昆弟之子矣杜注得之

逆公子黑臀而立之實爲成公

解

逆迎也迎於周也黑臀晉文公子襄公弟成公黑臀也

卻獻子聘於齊

解

獻子晉卿卻缺之子克也聘在魯宣

十七年齊頃公使婦人觀而笑之

解

卻子跛齊頃公帷

婦人使觀之卻子將升婦人笑於房

疏

○解卻子至於房

充與臧孫許同時而聘於齊蕭同姪子者齊君之母也踊於楫而窺客則客或跛或眇於是使跛者逐跛者使眇者逐眇者何休注蕭同國名姪子者蕭同君姪婦之子嫁于齊生頃公齡案內傳但言婦人笑于房不言婦人謂何人曲禮曰公齡曰夫人大夫曰孺人土曰婦人下至庶人亦稱匹婦蕭同姪子果屬頃公之母則應稱君夫人論語異邦人稱之亦曰君夫人是也內傳及此傳並斥爲婦人則姪子必非頃公之母況成四年內傳

卻克趨進曰此行也君爲婦人之笑辱也卻克卽悍不
得面覲齊侯斥其母爲婦人此傳下文又言以愁御人
姪子果君母而以御人稱之乎穀梁傳季孫行父齊使
卻克眇衛孫良夫跛曹公子手僕同時而聘于齊齊使
僂者蕭同姪子處臺而笑之聞于客客御跛者使僂者御
注蕭國也同姪子處臺而笑之聞于客客御跛者使僂者御
宣十二年楚人滅蕭故依其母於齊則蕭同姪子者頃公
公同母異父之姊嫁于齊之土庶人者故稱婦人穀梁
傳又載卻克曰以蕭同姪子之母爲質國佐曰以蕭同
姪子之母爲質則齊侯之母也范甯注兼忿姪子笑
是范推所以欲質姪子之母之故則內傳載賓媚人之
辭但言蕭同叔子非他寡君之母之故則內傳載賓媚
之母兩字史記言晉使卻克于齊齊使夫人帷中而觀
之卻克上夫人笑之又言必得笑克者蕭同叔子還蓋
据媚人之語而言不知笑者其女晉欲質者其母誤合
兩人爲卻獻子怒歸請伐齊范武子退自朝解武子晉
一人也

正卿武子士會也

疏

解武子至士會。○襄二十四年傳
范宣子曰句之祖在周爲唐杜氏

晉主夏盟爲范氏汲郡古文成王八年王師滅唐遷其民于杜杜伯之子隰叔奔晉生士鶯鶯生會兼食隨范兩邑故又曰

曰變乎吾聞之

解變武子之子文子也干

隨武子也

人之怒必獲毒焉夫卻子之怒甚矣不逞於齊必發諸晉國

解

逞快也不快心以伐齊必發怒于晉國不得政

何以逞怒

解

得政爲政也余將致政焉以成其怒

解

致

歸也無以內易外也爾勉從二三子以承君命唯敬

解

二三子晉諸卿也承奉也乃老

解

乃告老也

范文子莫退於朝武子曰何莫也對曰有秦客廋辭於

朝

解

廋隱也謂以詭譎隱伏之言聞于朝也東方朔曰

非敢詆之乃與爲隱耳是也大夫莫之能對也吾知三

焉解解其三事武子怒曰大夫非不能也讓父兄也解

父兄長老也爾童子何知而三掩人于朝解掩蓋也吾

不在晉國解日矣擊之以杖折委筓解委委貌冠筓簪

也疏折委筓○夏官弁師注紐小鼻在武上筓所貫也

人名武曰委晉語亦云此雖與韋異義亦得爲一解也

案男子有二筓一固髻一固冠固冠者髻髮作髻訖插

筓於其中以固髻內則櫛冠總筓總是也固冠者束髮加

冠訖插筓其中以固冠士冠禮皮弁筓爵弁筓是也古

名筓秦漢始名簪故云筓簪也

靡筓之役韞獻子將斬人解靡筓齊山名魯成二年晉

卻克伐齊從齊師於靡筓之下戰於鞌獻子時爲司馬

將斬人以戮罪在可赦之者疏齊解靡筓齊山名○史記

齊世家集解引賈逵曰

靡笄山名杜預注同索隱曰靡笄在濟南與代地磨山不同案靡笄今名千佛山在今山東濟南府歷城縣南十里○解戰於鞏○齊世家集解引服虔曰鞏齊地名杜注同穀梁傳鞏去齊五百里似與穀梁合然以內傳縣東今平陰去臨淄五百里一日之事華不注在濟南府城北去平陰二百三十里何以一奔而遽至此乎近儒謂鞏卽古之歷下似爲得之 卻獻子駕將救之至則旣斬之矣卻獻子請以徇其僕曰子將不救之乎獻子曰敢不分謗乎解言欲與韓子分謗其非也言能如此故從事不乖

靡笄之役卻獻子傷解傷於矢也傳曰流血及屨未絕

鼓音曰余病喙解喙短氣貌疏息解喙短氣貌○方言喙

間曰喙淮南精神訓喘息薄喉高注氣衝喉也此短氣之義張侯御曰三軍之心在

此車也

解

張侯晉大夫解張也在此車謂車進則進車

退則退其耳目在於旗鼓

解

耳聽鼓音目視旗表

疏

解

聽至旗表○孫子引軍政曰言不相聞故爲之金鼓視

不相見故爲之旌旗夫金鼓旌旗所以一人之耳目也

人既專一則勇者不得獨進怯者不得獨退此用衆之法也故云鼓音旗表也

車無退表鼓無

退聲解表旌旗也車表鼓音進退異數軍事集矣

解

成也吾子忍之不可以言病受命於廟

解

將行告廟受

戒命也

疏

受命於廟○詩常武疏古之命將者於廟遭

閭以內寡人制之將必受

解

受命於社

解

疏

解

解

疏

解

解

解帶甲纓冑死而後已此兵之常政也病未若死祇以

解志解祇適也乃左并轡右援枹而鼓之馬逸不能止

三軍從之解逸奔也齊師大敗逐之三周華不注之山

解周市也華齊地不注山名疏解華齊至山名○成二

水經濟水注華不注山單椒秀澤不連正陵以自高虎

牙榮立孤峯特拔以刺天青崖翠發望同點黛山下有

華泉故京相璠土地名曰華泉華不注山下泉水也伏

琛云不音跗與詩鄂不韡韡之不同謂花蒂也言此山

孤秀如華跗之著於水也据此諸說則華不注三字爲

山名今章解云華齊地名義可疑焉案華不注山在今

山東濟南府
懸城縣東北

靡笄之役卻獻子師勝而反范文子後人解文子時佐

上軍武子曰變乎女亦知吾望爾也平解兵凶事文子

後入故武子憂望也對曰夫師卻子之師也解卻子請
伐齊又爲元帥其事臧解臧善也謂師有功若先則恐
國人之屬耳目於我也故不敢解屬猶注也武子曰吾
知免矣解知免於咎

靡笄之役卻獻子見公曰子之力也夫解力功也疏力

功○周禮司勳治功曰力對曰克也以君命命三軍之士三軍之士

用命克也何力之有焉范文子見公曰子之力也夫對

曰變也受命於中軍以命上軍之士上軍之士用命變

也何力之有焉欒武子見解武子晉卿欒枝之孫欒盾

之子書也時將下軍公曰子之力也夫對曰書也受命

於上軍以命下軍之士下軍之士用命書也何力之有焉

靡笄之役也卻獻子伐齊齊侯來

解

齊侯來以靡笄之

役故服而朝晉侯也在魯成三年獻之以得隕命之禮

解獻致饗也

獻籩豆之數如征伐所獲國君之獻禮也

以得言不得也伐國獲君若秦獲晉惠是爲隕命今齊

雖敗頃公不見得非隕命也故苗棼皇以卻克不知禮

司馬法曰其有隕命行禮如會所爭義不爭利也**疏**

解

致至爭利○成二年孔疏引服虔注曰司馬法其有隕命以行禮如會所用儀也若隕命則左結旗司馬授飲右持苞壺左承飲以進案服虔注所引謂在戰地所用之禮非朝而相饗之禮今頃公來朝而卻子追用戰時之

禮以屈之況頃公未被獲而待之以曰寡君使克也不

腆弊邑之禮爲君之辱敢歸諸下執政以愬御人解歸

饋也執政執事也愬願也御人婦人也願以此報君御

人之笑已者疏解愬願○詩十月之交鄭箋愬者心不

也韓詩云愬聞也愬讀銀與寧甯同苗棼皇曰郤子勇

音說文寧甯皆訓願故云愬願也而不知禮解棼皇晉大夫楚鬬伯棼之子也矜其伐而

恥國君解矜大也伐功也其與幾何解言將不終命也

梁山崩解梁山晉望也崩在魯成五年疏解梁山晉望

爾雅釋山文詩疏引孫炎爾雅注晉國所望祭禹貢治

梁及岐漢書地理志在左馬翊夏陽縣西北晉書地理

志馮翊郡夏陽縣梁山在西北今陝西同州府郃陽韓城二縣境乃後漢郡國志及穀梁疏指爲韓

奕之奕奕梁山此緣韓國而誤蓋晉有韓原卽武王之
子所封而晉滅之以爲邑通典謂在同州韓城縣此左
傳之韓也王符潛夫論曰昔周宣王時有韓其國近燕
後遷居海中王肅詩注涿郡方城縣有韓侯城此韓奕
之韓也晉有韓亦有梁山因卽以涿郡之韓及梁山充
之而不知韓奕之梁山近北燕水經作所言高梁山首
受灤水于戾陵堰外北有梁山是也與夏陽之梁山相
去遠矣穀梁范甯集解引鄭康成曰望者祭山川之名
也謂之晉望者猶哀六年以傳召伯宗解傳驛也伯宗
傳江漢睢漳楚之望也

晉大夫孫伯糾之子遇大車當道而覆解大車牛車也

立而辟之曰辟傳解辟使下道辟傳車對曰傳爲速也

若埃吾辟之則加遲矣解加益也不如捷而行解旁出

爲捷伯宗喜問其居曰絳人也解絳晉國都伯宗曰何

聞曰梁山崩而以傳召伯宗伯宗問曰將若何對曰山

有朽壤而自崩將若何解朽腐也不言政失所爲而稱

朽壤言遜也夫國主山川解主爲山川主也孔子曰夫

顓臾爲東蒙主疏國主山川○成五年故川涸山崩君

爲之降服出次解涸竭也川竭則山崩降服縞素也出

次次于郊也疏以解降服至于郊○僖三十三年傳秦伯

降服爲縞素也漢書高帝紀於是爲義帝發喪兵皆縞

素蓋遇災而以喪禮自處也出次爲次于郊者亦据僖

三十三年傳文又文四年楚人滅江秦伯乘縵不舉策

爲之降服出次注避正寢其義互相足也乘縵不舉策

於上帝解縵車無文不舉不舉樂也策於上帝以簡策

之文告於上帝周禮四鎮五嶽崩命去樂疏乘縵不舉

傳孔疏巾車五路皆不言車有文飾其下服車五乘孤

乘夏篆卿乘夏縵大夫乘墨車鄭注夏篆五采畫轂約

也夏綬亦五采畫無瑱耳畢車不盡也孤之車尚有瑱約明諸侯之車必有瑱約詩所謂約輶錯衡也乘縵車無文蓋乘大夫墨車也輿禮侯氏乘墨車乃朝彼爲適王尙乘墨車此山崩降服亦乘墨車也不舉不舉樂也者此據大司樂命去樂之文案內傳杜注不舉去盛饌天官膳夫王日一舉天地有災則不舉鄭注殺牲盛饌曰舉又云地裁崩動也杜依膳夫之文故義與韋異然盛饌旣去決無仍用樂伯食之理則兩家得相通也

國三日哭以禮焉解以禮於神也周禮國有大災三日哭雖伯宗亦其如是而已其若之何問其名不告請以見弗許解以見於君伯宗及絳以告而從之解以車者之言告君君從之

伯宗朝以喜歸解罷朝而歸有喜色其妻曰子貌有喜何也曰吾言於朝諸大夫皆謂我知似陽子解知辨智

也陽子處父也對曰陽子華而不實主言而無謀解主

尙也是以難及其身子何喜焉伯宗曰吾飲諸大夫酒

而與之語爾試聽之曰諸既飲其妻曰諸大夫莫子若

也然而民不能戴其上久矣解戴奉也上賢也才在人

上也難必及子子盍亟索士慙庇州犁焉解亟疾也索

求也慙願也庇覆也州犁伯宗子伯州犁也得畢陽解

畢陽晉士也疏解畢陽晉士○王應麟曰畢陽豫讓之祖及欒弗忌之難諸

大夫害伯宗將謀而殺之解欒弗忌晉大夫伯宗之黨

也三郤害弗忌故譖伯宗并殺之在魯成十五年畢陽

實送州犁於荆解荆楚也犁奔楚爲太宰疏解荆楚○
詩殷武舊

伐荆楚楚早有荆號說文荆楚
木也荆楚一木故國亦通名

國語正義卷第十一終

國語正義卷第十二

歸安董增齡撰集

晉語六

趙文子冠

解

文子趙盾之孫趙朔之子趙武也冠謂以

士禮始冠

疏

趙文子冠○儀禮士冠禮服元冠元端傳

生鄭注鄉先生鄉中老人爲卿大夫致仕者故此傳列敘諸人也

見樂武子武子曰美

哉

解

武子樂書也禮既冠奠贄於君遂以贄見于卿大

夫先生美哉美成人也昔吾逮事莊主

解

莊莊子趙朔

之諡也大夫稱主趙朔嘗將下軍樂書佐之華則榮矣

實之不知請務實乎

解

榮者有色貌也實之不知華而

不實也見中行宣子宣子曰美哉

解

宣子晉大夫中行

桓子之子荀庚也

疏

解宣子至荀庚○史記晉世家索

父及莊子首本姓荀自林

隱引世本

晉大夫逝邀生桓伯林

父將中行遂別爲中行氏

惜也吾老矣

解

惜已年老不

見文子德所至也見范文子

解

文子范燮也文子曰而

今可以戒矣夫賢者寵至而益戒不足者爲寵驕

解

知

不足者得寵而驕故興王賞諫臣逸王罰之吾聞古之

王者政德旣成又聽於民

解

詢於芻蕘聽謗譽也於是

乎使工誦諫於朝

解

工矇瞍也誦誦讀前世箴諫之語

在列者獻詩使勿兕

解

列位也謂公卿至於列士獻詩

以風也兕惑也風聽臚言於市

解

風采也臚傳也采聽

商旅所傳善惡之言辨妖祥於謠

解

辨別也妖惡也祥

善也行歌曰謠丙之晨屢孤箕服之類是也考百事於

朝

解

百官職事問謗譽於路有邪而正之盡戒之術也

解術道也先王疾是驕也見卻駒伯駒伯曰美哉

解駒

伯晉卿卻錡也然而壯不若老者多矣

解

恃年自矜見

韓獻子

解

獻子晉卿韓厥也獻子曰戒之此之謂成人

成人在始與善始與善善進善不善蔑由至矣

解

蔑無

也始與不善不善進不善善亦蔑由至矣如草木之產

也各以其物

解

物類也人之有冠猶宮室之有牆屋也

糞除而已何又加焉

解

糞除喻自修潔也見知武子武

子曰吾子勉之

解武子晉卿荀首之子荀罃也

疏

知武子○

智邑名括地志故智城在蒲州虞鄉縣西北四十里古今地名云解縣有智城博物志云河東解縣有智邑晉世家索隱引世本晉大夫逝邀生桓伯林父及莊子首首生罃本荀氏食采于智故曰知武子

成宣之後而老爲大夫非恥乎

解

成季子文子曾祖趙衰也宣

宣子文子祖父趙盾也言文子二賢之後長老爲大夫

非恥乎欲其修德蚤爲卿也成子之文宣子之忠其可

忘乎夫成子道前志以佐先君道法而卒於政可不謂

文乎

解

道達也志記也佐助也先君文公也以政得政

也夫宣子盡諫於襄靈

解

襄公文公子靈公父也以諫

取惡不憚死進也可不謂忠乎吾子勉之有宣子之忠

而納之以成子之文事君必濟解濟成也見苦成叔子

解苦成叔子郤犇也

疏論郤犇食采于苦號苦成叔又

曰苦成城名也在河東鹽池東北晉世家正義引叔子

世本曰郤豹生義義生步揚步揚生州卽犇

曰抑年少而執官者衆解執官爲大夫也吾安容子見

溫季子解溫季子郤至也季子曰誰之不如可以求乎

解言汝不如誰可以求其次不欲其高遠也見張老而

語之解張老晉大夫張孟也疏解張老至張孟○唐書

有卿士張仲其後裔事晉爲大夫張侯生老老生超超生愷張老曰善矣從欒伯之

言可以滋解滋益也范叔之戒可以大韓子之戒可以

成物備矣志在子解物事也人事已備能行與否在子

之志也若夫三郤郤人之言也何稱述焉解不足稱述
知子之道善矣解道訓也是先主覆露子也解先主謂
成宣也露潤也

厲公將伐鄭解厲公晉景公之子州蒲也伐鄭鄭從楚

故也在魯成十六年范文子不欲曰若以吾意諸侯皆

畔則晉可爲也解爲治也唯有諸侯故擾擾焉凡諸侯

難之本也解畔輒伐之故爲難本得鄭憂滋長安用鄭

解楚必救之故憂益長疏得鄭至用鄭○內傳文子曰

心益侈內變立作故憂滋長韋解言必有內憂言得鄭則君

楚必救鄭猶是外患其憂尙未甚也郤至曰然則王者
多憂乎文子曰我王者也乎哉解言俱諸侯也夫王者

成其德而遠人以其方賄歸之故無憂

解方所在之方

賄財也今我寡德而求王者之功故多憂

解我晉也子

見無土而欲富者樂乎哉

解無土求富行不得息

厲公六年伐鄭

解六年魯成十六年且使苦成叔及欒

黶與齊魯之師

解苦成叔卻犇欒黶欒書之子桓子也

卻犇如齊欒黶如魯皆乞師楚恭王帥東夷救鄭

解恭

王莊王之子蒧也或作審東夷楚東之夷也

疏解東夷楚東之

夷○戰國策張儀曰包九夷制鄆郢九夷近鄆郢故知在楚東楚半陳公令擊之欒書

曰君使黶也與齊魯之師請俟之卻至曰不可楚師將

退我擊之必以勝歸

解將退無鬪志故可勝也夫陳不

違忌一閒也

解

違避也忌諱也閒隙也晦陰氣盡兵亦

陰故忌之經書六月甲午晦晉侯及楚子鄭伯戰于鄢

陵

疏解違避至忌之○成十七年傳孔疏曰爲陽精月

是月終陰之盡也故兵家以夫南夷與楚來而弗與陳

二閒也

解

南夷據在晉南也不與陳不欲戰也夫楚與

鄭陳而不與整三閒也

解

雖俱陳不整齊也且其士卒

在陳而譁四閒也

解

譁囂也夫衆聞譁則必懼五閒也

鄭將顧楚楚將顧夷莫不有鬪心不可失也公說於是

敗楚師於鄢陵欒書是以怨郤至

解

怨其反已專其美

也

鄢之戰卻至以韎韁之跗注三逐楚平王卒解三君云

一染曰韎鄭後司農說以爲韎茅蒐染也韎聲也昭謂

茅蒐今絳艸也急疾呼茅蒐成韎也凡染一入爲緇跗

注兵服自要以下至於跗疏韎韁之跗注○古者以茅

蒐之轉聲爾雅茹蘆茅蒐郭注可以染絳小雅瞻彼洛

矣毛傳韎韁者茅蒐染艸也鄭箋韎韁者茅蒐染也茅

蒐韎韁聲也又駁五經異義云韎韁少名齊魯之間言韎

韁鄭志韎韁之不注不讀如跗跗幅也注屬也幅有屬

也以淺赤韁爲弁又裁韁如布帛之幅而連屬以爲衣

而表素裳白舄也○三逐楚平王卒○平王据襄十三年

楚子審卒傳及此傳共王帥東夷救鄭傳文當作其

王賈唐鄭虞韋孔無辨之者必近世傳寫之譌說文隸

人給事者衣卒見王必下奔解下下車奔走也退戰王

卒衣有題識者解工尹楚官襄其名問遣也曰方

使工尹襄問之以弓解工尹楚官襄其名問遣也曰方

事之殷解事戎事也殷盛也有韎韍之跗注君子也屬

見不穀而下無乃傷乎解屬適也傷恐其傷也卻至甲

冑而見客免冑而聽命解免脫也脫之爲障耳曰君之

外臣至以寡君之靈閒蒙甲冑解蒙被也被介在甲冑

之間不敢當拜君命之辱爲使者敢三肅之解禮軍事

肅拜下肅拜下手至地也疏解禮軍至至地○肅拜下

云若今擡孔疏引春官大祝鄭注肅拜但俯下手今時

擡是也說文擡舉手下手也其勢如今揖之小別案少

儀婦人有肅拜手鄭注肅拜低頭手拜手至地則

肅拜手不至地矣公羊傳何注揖於師中介冑不拜周

既以揖訓肅拜而又云下手至地殊違鄭義矣

曰焉於知禮解禮軍禮也

君子

鄢陵之役大夫欲爭鄭解與楚爭鄭范文子不欲曰吾聞人臣者能內睦而後圖外解睦親也不睦內而圖外必有內爭盍姑謀睦乎解姑且也考訊其阜以出則怨靖解訊問也阜衆也安也言內且謀相親愛乃考問百姓知其虛實然後出軍用師則怨惡自安息也

鄢陵之役晉伐鄭荆救之解荆楚也大夫欲戰范文子不欲曰吾聞君人者刑其民解以刑正其民成而後振武於外解成平也是以內蘇而外威解威畏也今吾司寇之刀鋸曰弊解刀鋸小人之刑也弊敗也日敗用之數也而斧鉞不行解斧鉞大刑也不行不行於大臣內

猶有不刑而況外乎夫戰刑也解言用兵猶用刑也刑之過也解刑殺有過者過山大解山大臣也而怨由細解怨望者由小細民也故以惠誅怨解誅除也以忍去過解忍以義斷也細無怨而大不過而後可以武刑外之不服者今吾刑外乎大人解外者刑不及而忍於小民解忍行刑於小民將誰行武武不行而勝幸也解幸僥幸也幸以爲政必有內憂且唯聖人能無外患又無內憂距非聖人必偏而後可解距猶自也偏偏有一也偏而在外猶可救也解在在外有患也疾自中起是難盍姑釋荆與鄭以爲外患乎解釋置也

邲陵之役晉伐鄭荆救之欒武子將上軍范文子將下

軍

解上下中軍之上下也傳曰欒書將中軍士燮佐之

又曰欒范以其族夾公行欒武子欲戰范文子不欲曰
吾聞之唯厚德者能受多福無德而服者衆必自傷也

解

不義而彊其弊必速稱晉之德諸侯皆叛國可以少

安

解稱副也副晉之德而爲之宜諸侯皆畔不復征伐

還自修整則國可以少安唯有諸侯故憂憂焉凡諸侯
難之本也且唯聖人能無外患又無內憂距非聖人不
有外患必有內憂盍姑釋荆與鄭以爲外患乎諸臣之
內相與必將輯睦

解

不復征伐無所爭也今我戰又勝

荆與鄭吾君將伐知而多力解力功也將自伐其智自
多其功也忘教而重斂大其私暱而益婦人田解暱近
也私近謂嬖臣也大謂增其祿也婦人愛妾也不尊諸
大夫田則焉取以益此諸臣之委室而徒退者將與幾
人解徒空也與辭也幾人言必多也戰若不勝則晉國
之福也戰若勝亂地之秩者也解亂地亂故地也秩常
也其產將害大盍姑無戰乎解產生也言其生變將害
大臣欒武子曰昔韓之役惠公不復舍解韓之役秦獲
惠公在魯僖十五年邲之役三軍不振旅解楚敗晉師
于邲在魯宣十二年師敗衆散故不能振旅而入疏解楚

敗至而入○鄆宣十二年傳杜注鄭地今河南開封府
鄆州東六里有鄆城爾雅釋天入而振旅反尊卑也詩
采芣芣箋振猶止也杜預曰振整也爾雅釋詁旅衆也
是振旅爲整衆也莊八年公羊傳何注振旅壯者在後
復長幼且箕之役先軫不復命解晉人收殮於箕先軫
衛後也

死之故不反命於君在魯僖三十三年晉國固有大恥

三今我任晉國之政解任當也武子時爲上卿不損晉

恥又以違蠻夷以重之解違避也蠻夷楚也雖有後患

非吾所知也解不能慮遠范文子曰擇福莫若重擇禍

莫若輕解有二福擇取其重有二禍擇取其輕福無所

用輕禍無所用重晉國固有大恥與其君臣不相聽以

爲諸侯笑也解不相聽謂惠公不與慶鄭相聽以殞於

韓先穀不與林父相聽以敗于鄆先軫不與襄公相聽以亾於箕盍姑以違蠻夷爲恥乎武子不聽遂與荆人戰於鄆陵大勝之解鄆陵鄆地於是乎君伐知而多力怠敎而重斂大其私暱殺三郤而尸諸朝解三郤錡驪至也尸陳也產將害大是也納其室以分婦人解納取也室妻妾貨財也於是乎國人弗蠲解蠲潔也不潔公所爲遂殺之翼葬之翼東門之外以車一乘解翼故晉都匠麗氏也厲公侈多外嬖反自鄆陵欲盡去羣大夫而立其左右欲以胥童夷羊午長魚矯爲卿故殺三郤長魚矯又以兵劫欒書中行偃將殺之公不忍使復其

位魯成十七年冬厲公游於匠麗氏樂書中行偃執公
十八年正月使程滑殺公葬之以車一乘不成喪厲公
之所以死者唯無德而功烈多服者衆也解烈業也服
者衆謂魯成十二年會於瑱澤敗狄于交剛十三年敗
秦于麻隧十五年盟於戚會吳於鍾離十六年敗楚于
鄢陵會於柯陵伐鄭十七年同盟于柯陵

鄢陵之役荆厭晉軍

解

厭謂其不備也傳曰甲午晦楚

晨厭晉軍而陳

疏

荆厭晉軍

○內傳

杜注厭

作其未備

軍吏患之

將謀

解

謀所以距扞

范句

自公族趨過之

解

范文子之子宣

子也

自公族爲公族大夫也

曰夷寇墮并非退而何

解

子也自公族爲公族大夫也曰夷寇墮并非退而何

解

夷平也埋塞也使晉軍平塞井窺示必死不復飲食非
退而何言楚必退傳曰塞井夷竈陳于軍中而疏行首
是也范文子執戈逐之曰國之存亡天命也童子何知
焉且不及而言姦也必爲戮解言議不及句而句言之
是爲有姦故必爲戮苗棼皇曰善逃難哉解文子欲句
讓大臣不蓋掩人是爲避難旣退荆師於鄢陵將穀解
穀處其館食其穀也傳曰晉師三日館穀范文子立於
戎馬之前解公戎車馬前也曰君幼弱諸臣不佞解佞
才也吾何福以及此吾聞之天道無親唯德是授吾庸
知天之不授晉且以勸荆乎解庸用也焉用知天不先

授晉以福使勝楚而以勸楚修德以報晉乎君與二三
臣其戒之解戒備也夫德福之基也無德而福隆猶無
基而厚墉也其壞也無日矣解隆盛也墉牆也疏猶無
墉釋名基據也在下物所據也大雅公劉止基是也墉牆也者士昏禮尊于室中北墉下鄭注以墉爲
也

反自鄧范文子謂其宗祝解宗宗人祝祝史也曰君驕
泰而有烈解烈功也夫以德勝者猶懼失之而況驕泰
乎君多私今以勝歸私必昭解私嬖臣妾也昭顯也昭
私難必作解寵私必去舊去舊必作難吾恐及焉凡吾
宗祝爲我所死解所求也先難爲免解免免於亂七年

夏范文子卒

解

晉厲公七年魯成十七年冬難作始於

三郤卒於公

解

公殺三郤欒中行畏誅乃殺公既戰獲

王子發鉤

解

發鉤楚公子莪也傳曰囚楚公子莪

疏

解

鉤楚公子莪

○說文莪草葉多月令孔疏木物生句曲而有芒角艸亦隸于木故名莪而字以句莪之句莪與

又諧聲也

欒書謂王子發鉤曰子告君

解

使告晉君曰

卻至使人勸王戰及齊魯之未至也

解

言勸楚王使與

晉戰也晉乞師於齊魯時尚未至言晉可敗也且夫戰

也微卻至王必不免

解

微無也言卻至見王必下趨故

王得免吾歸子

解

子告晉君如此吾令子歸楚也發鉤

告公公告欒書欒書曰臣固聞之

解

固久也卻至欲爲

難使苦成叔緩齊魯之師已勸君戰解已卻至也戰敗
將納孫周解孫周悼公周也事不成故免楚王然戰而
擅舍國君而受其間不亦大罪乎解問謂弓也且今君
若使之於周必見孫周公曰諾樂書使人謂孫周曰卻
至將往必見之卻至聘於周公使覘之見孫周解覘微
視也是故使胥之昧與夷羊午刺卻至苦成叔及卻錡
解胥之昧胥童也及夷羊午皆厲公嬖臣疏胥童○胥
世家厲公多外嬖姬欲盡去羣大夫而立
諸姬兄弟寵姬兄曰胥童嘗與卻至有怨卻錡謂卻至
曰君不道於我我欲以吾宗與吾黨夾而攻之雖死必
敗國國敗君必危其可乎卻至曰不可至聞之武人不

亂解勇而不義則不爲武知人不詐解爲詐則不爲知

仁人不黨解不羣黨也夫利君之富富以聚黨解利君

寵祿以爲富得富故有徒黨利黨以危君君之殺我也

後矣解後晚也且衆何舉鈞之死不若聽君之命解鈞

等也等一死不欲爲亂也是故皆自殺解傳曰三郤將

謀于榭長魚矯以戈殺之言自殺取其不校自殺之道

既刺三郤欒書殺厲公乃納孫周而立之是爲悼公疏

欒書至悼公○晉世家厲公六年閏月乙卯厲公游匠

氏欒書中行偃以其黨襲捕厲公囚之殺胥童厲公

囚六日死十日庚午知罃迎公子周來至絳刑雞與大

夫盟而立之是爲悼公其大父捷晉襄公少子也不得
立號爲桓叔桓叔最愛桓
叔生惠伯談談生悼公周

長魚矯既殺三郤乃脅欒中行解謂與胥童共脅之也
脅劫也欒欒書中行中行偃而言於公曰不殺此二子
者憂必及君解言二子懼誅必將圖君公曰一旦而尸
三卿不可益也對曰臣聞之亂在內爲軌在外爲姦禦
軌以德禦姦以刑解禦止也以德以德綏之以刑謂誅
除也今治政而內亂不可謂德除鯁而避強不可謂刑
解鯁害也德刑不立姦軌並至臣脆弱疏臣脆弱○脆
斷也莊子曰其生也柔脆管
子事語篇城脆致衝是也弗能忍俟也乃犇翟三月
厲公殺解魯成十七年十二月長魚矯犇翟閏月欒中
行殺胥童十八年正月厲公殺

樂武子中行獻子圍公於匠麗氏解匠麗氏晉嬖大夫

也乃召韓獻子獻子辭曰殺君以求威非我所能爲也

解求威求立威也威行爲不仁事廢爲不知解威行於

君爲不仁事廢不成爲不知享一利亦得一惡非所務

也昔者吾畜於趙氏解畜養也韓獻子見養于趙盾孟

姬之讒吾能違兵解孟姬趙盾之子刳之妻晉景公之

姊也與盾之弟樓嬰通嬰兒趙同括放之姬譖同括于

景公景公殺之時獻子能違其兵難卒存趙氏未可脅

以殺君也在魯成八年人有言曰殺老牛莫之敢尸而

況君乎解尸主也疏解尸主也爾雅釋詁文禮

學記常其爲尸鄭注尸主也爲祭

主也漢書郊祀志鼎出于郊東中有刻書曰王命尸
臣官此甸邑顏注尸臣主事之臣也是尸得爲主訓二
三子不能事君安用厥也中行偃欲伐之樂書不可其
身果而辭順解果謂敢行其志也順無不行果無不徹
解順者人從之故無不行果者志不疑故無不徹徹達
也犯順不祥伐果不克解克勝也夫以果戾順行民不
犯也解戾帥也以果敢帥順道而行之故民不犯吾雖
欲攻之其能乎乃止

國語正義卷第十二終

國語正義卷第十三

歸安董增齡撰集

晉語七

既殺厲公欒武子使知武子餽恭子如周迎悼公〔解〕武

子欒書也知武子荀偃也餽恭子士魴也食邑于餽悼

公周子也時年十四

〔疏〕

解食邑于餽○漢地理志河東郡餽縣霍太山在東周厲王所

奔

庚午大夫逆於清原〔解〕清原晉境公言於諸大夫曰

孤始願不及此〔解〕及至也孤之及此天也〔解〕引天以自

重抑人之有元君將稟命焉〔解〕元善也稟受也若稟而

棄之是焚穀也〔解〕穀所仰以生也其稟不材是穀不成

也解不材不可用也不成謂稅也穀之不成孤之咎也
成而焚之二三子之虐也孤欲長處其願出令將不敢
不成解不敢爲稅政也二三子爲令之不從故求元君
而訪焉解訪謀也爲民不從大夫之令故求善君而謀
之孤之不元廢也其誰怨解廢以不善見廢元而以虐
奉之二三子之制也解制專制也若欲奉元以濟大義
將在今日若欲暴虐以離百姓反易民常亦在今日解
反易民常下不事上也圖之進退願由今日解悼公承
篡殺之後嫌臣下不從故以此約厲焉大夫對曰君鎮
撫羣臣而大庇廢之無乃不堪君訓而陷於大戮以煩

刑史

解

刑刑官司寇也史大史掌書法也辱君之允令

解允信也敢不承業乃盟而入解承奉也業事也辛巳

朝於武宮

解

武宮武公廟疏辛巳至武宮○辛巳朝於

服虔本作辛未內傳孔疏引武宮今本內傳與此傳同

辛巳朝祖廟取其新也案晁說非也此傳稱庚午逆於

清原內傳云庚午盟而入逆日即盟非辛未也唯朝廟

則當依服虔爲辛未蓋是時夷羊五等尚在國勢人

心岌岌未定故庚午盟而次日即朝武宮以定統位文

公丙午人曲沃丁未朝武宮正同一例若辛巳則上距

庚午已十日此一句中豈悼公安居伯子同定百事立

百官

解

議定百事而立其官使主之謂改其舊時之非

者育門子選賢良

解

門子大夫適子周禮曰其正室皆

謂之門子育長也長育其材選用賢良也疏賢良○周

賢良○周

禮小宗伯鄭注正室適子也將代父當門者也內傳鄭伯及晉盟於戲六卿及門子皆從又子孔爲載書大夫與門子弗順出列會盟入參謀議列國之重門子如此長育其材卽下文使惇惠者教之之等也興舊族出滯賞解舊族舊臣之子孫滯賞謂有功於先君未賞者謂呂相之屬也畢故刑赦囚繫解故刑若今被刑居作者畢之不復作也囚繫者赦之傳曰宥罪戾是也宥閒罪薦積德解閒罪刑罰之疑者宥赦也薦進也積德之士進用之逮鰥寡解逮及也惠及之也振廢淹解振起也淹久也謂本賢人以小罪久見廢起用之養老幼解養有常餼恤孤疾解無父曰孤疾廢疾也年過七十者公親見之解謂賢知事者稱曰王父王父不敢不

承解稱曰王父尊而親之所以盡其心也故王父不敢

不承命二月乙酉公卽位解先館于外至此乃就公朝

也傳曰館於伯子同氏是也疏二月至卽位○成十八

乙酉公卽位又引國語孔晁注二月卽位言正月者記

者誤也厲公被殺而嗣絕故悼公自外而入卽位之日

卽命百官施布政教與居喪卽位其禮不同是晁及穎

達所見國語並是正月今本作二月後人依內傳擅改

此傳於義雖得解使呂宣子佐下軍解宣子呂錡之子呂

而非傳文之舊解相也曰邲之役呂錡佐知莊子於上軍解上當爲下字

之誤也呂錡廚武子也知莊子荀首也時爲下軍大夫

在魯宣十二年唐尙書云荀首時將上軍誤矣獲楚公

子穀臣與連尹襄老以免子羽解連尹楚官名子羽知

莊子之子轡之字也邲之戰楚人囚知轡莊子以其族
反之廚武子御莊子射襄老獲之遂載其尸射公子穀
臣囚之以二者歸魯成三年晉人歸楚穀臣與襄老之
尸以求知轡楚人許之故曰以免子羽鄢之役親躋楚
王而敗楚師解魯成公十六年晉楚戰於鄢陵錡射楚
共王中目楚師敗楚養由基射呂錡中項而死以定晉
國而無後解無後子孫無在顯位者其子孫不可不崇
也解崇高也使彘恭子將新軍曰武子之季文子之母
弟也解季少子也武子士會文子士燮也母弟同母弟
也武子宣法以定晉國至於今是用解宣明也法執秩

之法文子勤身以定諸侯至於今是賴解定諸侯謂爲

軍帥能使諸侯事晉也賴蒙也夫二三子之德其可忘

乎故以飭季屏其宗解屏藩也使令狐文子佐之解文

子魏犢之孫魏顆之子魏頡也令狐邑名疏解令狐邑名○文七

年傳杜注令狐在河東與刳首相接案疏曰克潞之役秦

令狐在今山西平陽府猗氏縣境內

來圖敗晉功魏顆以其身卻退秦師於輔氏親止杜回

其勳銘於景鐘解克勝也魯宣十五年六月癸卯晉荀

林父將滅赤翟潞氏七月秦桓公伐晉次于輔氏欲敗

晉功壬午晉景公治兵以畧翟土及雒魏顆敗秦師于

輔氏獲杜回輔氏晉地杜回秦力士也勳功也景鐘景

公之鐘疏

解魯宣至潞氏○宣十五年傳潞子嬰兒之

潞子之目伯宗數其五罪荀林父敗狄于曲梁辛亥滅

也縣注赤狄之別種後漢郡國志引上黨記曰潞濁漳

解輔氏晉地○宣十五年傳杜注輔氏晉地今陝西

安府朝邑縣西北十三里有輔氏城○解勳功至之鐘

○文選曹植求自試表引此功銘著于景鐘呂延濟注

景大也功勳銘于大鐘齡案景大余正釋詁

文呂氏雖與韋解異訓然有尔正文可据也

育其子不可不興也解育遂也君知士貞子之帥志博

聞而宣惠於教也使爲太傅解貞子晉卿士穆子之子

士渥濁也帥循也宣徧也惠順也疏使爲太傅○周官

命晉自僖二十八年王命文公爲侯伯因自設太師太

傅等官宣十六年范武子爲太傅故內傳言使士渥濁

爲太傅使修范武子之法彼傳孔疏言范武子爲太傅

孤也士薦爲司空卿也士渥濁右行辛居其官而修其

法二人皆大夫非孤卿孔意以范武子將中軍且爲太傅故知爲孤士屋濁右行辛之官皆非六軍之將故言

大夫義

知右行辛之能以數宣物定功也使爲司空解

或然也右行辛晉大夫賈辛也數計也宣明也物事也能以計

數明事定功故使爲司空司空掌邦事謂建都邑起宮

室經封洫之屬

疏

解右行至賈辛○內傳孔疏僖二十

八年晉作三行屠擊將右行未知此

人卽屠擊之子孫也爲是其祖代屠擊也正以荀林父

將中行遂以中行爲氏此人之先將右行因以爲氏耳

○解數計至之屬○呂氏春秋季夏紀命司空曰時雨

將降下水上騰循行國邑周視原野修利隄防導達溝

瀆開通道路無有障塞高注司空主土官也淮南兵畧

訓隧路亟行輜治賦文均處事輯井寵通此司空之官

也故知司空

知樂糾之能御以和於政也使爲戎御解

掌邦事也

樂糾晉大夫卞糾也政軍政戎御御公戎車也知荀賓

之有力而不暴也使爲戎右解荀賓晉大夫戎右公戎

車之右有力而不暴故可親近之欒伯請公族大夫解

欒伯欒武子公族大夫掌公族與卿之子弟疏解公族

○宣二年傳孔疏引國語孔晁注公族大夫掌公族及

卿大夫子弟之官是晁即用韋解義也內傳又云驪姬

之亂誚無畜羣公子自是晉無公族及成公卽位乃宦

卿之適子而爲之田以爲公族是公族大夫廢于獻末

而復于成初也蓋公族主教誨有諭教公曰荀家惇惠

之事位非卿而任特重故欒伯請之解荀家晉大夫荀稽文敏解荀稽荀家之族驥也果敢

解驥欒書之子桓子也無忌鎮靖解無忌韓厥之子公

族穆子也鎮重也靖安也使茲四人者爲之解茲此也

夫膏粱之性難正也解膏肉之肥者粱食之精者言食

肥美者率多驕放其性難正也故使惇惠者教之解教

之道藝使文敏者道之解道其志也使果敢者諗之解

諗告也告得失也使鎮靖者修之解修治其氣性惇惠

者教之則徧而不倦解倦懈也文敏者道之則婉而入

解婉順也果敢者諗之則過不隱鎮靖者修之則壹解

壹均一也使茲四人者爲公族大夫知祁奚之果而不

淫也使爲元尉解祁奚晉大夫高梁伯之子也元尉中

軍尉也疏解祁奚至軍尉○呂氏春秋去私篇高注黃

卒辨兵甲治正行伍連什伯明鼓旗此知羊舌職之聰

敏肅給也使佐之解羊舌職晉羊舌大夫之子敏達也

肅敬也給足也知魏絳之勇而不亂也使爲元司馬解

魏絳魏犇之子莊子也元司馬中軍司馬也疏至魏絳

○唐書宰相世系表犇生悼子悼子生昭子絳史記魏

世家索隱引世本云武仲生莊子絳無悼子又世本居

篇魏悼子徙翟則是悼子世本卿大夫代目脫耳則

絳當是魏犇之孫○解元司至司馬○周禮夏官司馬

卿官今司馬在尉下則非卿官韓非子言晉國之法下

大夫一乘一與司馬專乘是下大夫也淮南時則訓十

月官司馬高注冬閒講武故官司馬內傳孔疏言此知

傳所言諸官或是悼公新法皆不得與周禮同也

張老之知而不詐也使爲元候解張老晉大夫張孟也

元候中軍候奄也疏前解元候中軍候奄○淮南兵畧訓

忘遺此候之官也高知鐸遏寇之恭敬而信彊也使爲

注軍候候望者也

輿尉解遏寇晉大夫輿尉上軍尉也疏○淮南兵畧訓

○淮南兵畧訓

收藏於後邇舍不離無淫與無遺輜此與之官也高注
與衆也候領與衆在軍之後者宏嗣以與尉爲上軍尉
案與尉見千襄三十年內傳主役屬徒衆亦非專言上
軍蓋元尉統尉之事猶啟行之元戎與尉分尉之任猶
羣臣所乘之小戎淮南時則訓八月官尉十一月官都
尉則尉固有尊卑之別如以與尉專屬上軍則下軍尉
又何知藉偃之惇率舊職而共給也使爲與司馬解藉

偃晉大夫藉季之子藉游也與司馬上軍司馬也疏解

偃至司馬○昭十五年傳孔疏引世本孫伯黶生司空

頡頏生南里叔子子生叔正官伯伯生司徒公公生曲

沃正少襄襄生司馬大伯伯生侯季子子生藉知程鄭

游與司馬之名見于周官禮亦大司馬屬官也知程鄭

端而不淫且好諫而不隱也使爲贊僕解程鄭晉大夫

荀驩之曾孫程季之子端正也淫邪也贊僕乘馬御也

六驂屬焉疏齊贊僕至驂屬○成十八年傳孔疏周禮

齊僕下大夫掌取金路以賓朝覲宗遇饗

食皆乘金路杜言乘馬御乘車之僕則當彼齊僕也月令季秋天子乃教田獵命僕夫七騶咸駕則騶是主駕之官鄭康成曰七騶謂趨馬主爲諸官駕說者也按人職云良馬三乘爲皐皐一趣馬趣馬下士三皐爲繫繫一駟夫駟夫中士六繫爲廐廐一僕夫僕夫上士十有二閑邦國六閑鄭注每廐爲一僕夫僕夫上士十有六匹如彼計之每廐有趣馬十八人六閑之騶有一百人皆屬程鄭而使總領之也始合諸侯

於虛杙以救宋解虛杙宋地宋魚石叛宋之楚楚伐

宋取彭城以封之故悼公合諸侯以救宋魯成十八

年疏解虛杙至八年○虛杙杜注關或云即宋之虛也彭城杜注宋邑今彭城縣項羽都此謂之西楚晉

立徐州唐宋元沿革不一明初復爲使王老延君譽於徐州今爲江蘇徐州府銅山縣地

四方且觀道逆者解延陳也陳君之稱于四方且觀

察諸侯之有道德與逆亂者呂宣子卒解宣子呂相公

以趙文子爲文也解文子趙武也文有文德而能恤大

事使佐新軍解說云新軍中軍也昭謂時但言新軍新

軍無中三年公始合諸侯解悼公三年魯襄之二年也

悼公元年始合諸侯于虛杙此復言始合者謂四年將

會於雞丘於此始命之四年諸侯會於雞丘解雞丘雞

澤在魯襄三年疏解雞丘雞澤○雞澤杜注在廣平曲

雞澤卽春秋諸侯同盟處水經濁漳水注漳水又東入

白渠又東故瀆出焉一水東爲澤清曲梁縣之雞澤也

隸廣平府永年縣東北設雞澤縣治於是乎布令結

援修好申盟而還解令謂朝聘之數同好惡救災患之

屬申尋也令狐文子卒解文子魏頡公乃以魏絳爲不

犯解不犯不可犯以非法也使佐新軍解傳曰魏絳多

功以趙武爲賢而爲之佐然則讓武使爲將而絳佐之

使張老爲司馬解代魏絳也使范獻子爲候奄解代張

老候奄元候也獻子范文子之族昆弟士富也公譽達

於戎解戎諸戎無終子之屬五年諸戎來請服使魏莊

子盟之於是乎始復伯解莊子魏絳也繼文公後故曰

復伯

四年會諸侯於雞丘解述上會時魏絳爲中軍司馬公

子揚干亂行於曲梁解揚干悼公之弟行行列也曲梁

晉地疏五年傳荀林父敗翟于曲梁之在上黨者異地

解曲梁晉地○曲梁在廣平上已解訖與宣十

魏絳斬其僕解僕御也公謂羊舌赤解赤羊舌職之子

銅鞮伯華也曰寡人屬諸侯解屬會也魏絳戮寡人之

弟爲我勿失解戮辱也爲我執之勿失也赤對曰臣聞

絳之志有事不避難有罪不逃刑其將來辭解辭陳其

辭狀也言終魏絳至授僕人書而伏劍解僕人掌傳命

聞公怒欲自殺疏伏劍○伏劍伏舉而引劍自裁漢書賈誼傳聞譴何則白冠鵲纓盤水加

劍造請室而請舉焉如潛注加劍當解士魴張老交止之

以自刎也絳之伏劍或用此制與解交夾也僕人授公公讀書曰臣誅於揚子不忘其死

解誅責也日君乏使使臣狃中軍之司馬解日前日也

狃正也臣聞師衆以順爲武解順順令也軍事有死無

犯爲敬

解

有死其事無犯其令是爲敬命君合諸侯臣

敢不敬

解

敢不敬奉其職君不說請死之解請就死公

解

請就死公

跌而出

解

跣徒跣也曰寡人之言兄弟之禮也子之誅

軍旅之事也請無重寡人之過反役與之禮食解反役

解

反役

自役反也禮食公食大夫之禮令之佐新軍解上章目

解

上章曰

以魏絳爲不犯使佐新軍是也

祁奚辭於軍尉

解

辭請老也公問焉曰孰可解誰可自

離

可白

代對曰臣之子午可

(解)

平公問祁黃羊曰國無尉其

問曰：「臣之對也，平日公曰：『善。』又遂用之，國子稱善焉。」

稱裝

善仁
慈者

不韋誤以悼公爲平公也

3

人有言曰擇臣莫若老撙

卷之六

不
老
樓

不韋誤以悼公爲平公也

3

人有言曰擇臣莫若老撙

子莫若父午之少也婉以從令解少稚也婉順也游有鄉處有所好學而不戲解不戲弄也其壯也彊志而用命解此壯謂未二十時志識也命父命也守業而不淫解業所學事業也其冠也和安而好敬解冠二十也柔惠小物解柔仁也惠愛也而鎮定大事解鎮安也言知慮能安定也有直質而無流心解流放也非義不變解言從義也非上不舉解舉動也放上而動若臨大事其可以賢於臣也解大事軍事臣請薦所能擇而君比義焉解薦進也所能擇父能擇子也比比方也義宜也公使祁午爲軍尉歿平公軍無秕政解歿終也平公悼公

之子彪也。秕以穀喻也。

疏

解秕以穀喻。○呂氏春秋辨

者爲秕高注
秕不成粟也

五年無終子嘉父使孟樂因魏莊子納虎豹之皮以和

諸戎。

解

悼公五年魯襄四年無終山戎之國今爲縣在

北平子爵也。嘉父名孟樂。嘉父之臣莊子魏絳也和諸

戎諸戎欲服從于晉也。

疏

解無終至北平。○襄四年傳

理志右北平郡無終縣故無終子國

杜注無終山戎國名漢書地

海經鮑正水注藍水出北山東流屈而南流逕無終

縣故城東故無終子國故燕地矣秦始皇二十二年滅

燕置右北平郡治此魏土地記曰右北平城西北百三

十里。有無終城案今爲順天府玉田縣境。○解莊子魏

絳○禮記正義引世本曰州生莊子降州卽驪也降卽

絳也

史記魏世家魏絳卒諡昭子素隱曰世本錯也居

篇亦曰昭子徙安邑論謂內傳及此傳並作莊子世本

篇亦曰昭子徙安邑論謂內傳及此傳並作莊子世本

篇亦曰昭子徙安邑論謂內傳及此傳並作莊子世本

正依兩傳米
可謂錯也

公曰戎翟無親而好得不若伐之

解無親

無恩親好得貪貨財魏絳曰勞師於戎而失諸華解諸
華華夏也用師于戎不得存恤諸侯諸侯必叛故失之
雖有功猶得獸而失人也安用之且夫戎翟荐處解荐
聚也貴貨而易土解貴重也易輕也與之貨而獲其上
其利一也邊鄙耕農不做其利二也戎翟事晉四鄰莫
不震動其利三也解震懼也君其圖之公說故使魏絳
撫諸戎於是乎遂伯

韓獻子老

解

韓獻子韓厥也說云爲公族大夫老而辭

位昭謂韓厥晉卿也魯成十六年傳曰韓厥將下軍十

八年晉悼公卽位傳曰韓獻子爲政使公族穆子受事
於朝解穆子厥之子無忌也唐尙書云獻子致仕而用
其子爲公族大夫昭謂悼公元年使無忌爲公族大夫
後七年獻子告老欲使爲卿有廢疾讓其弟起公聽之
更使掌公族大夫在魯襄七年辭曰厲公之亂無忌備
公族不能死解亂謂見殺公族同姓也疏無忌備公族
傳孔疏引國語孔晁注備公族大夫則韓無忌先爲公族大夫今言使爲之者悼公始命百官更改新授之案
晁注義是臣聞之曰無功庸者不敢居高位解國功曰功民
功曰庸疏解國功至曰庸○周官禮司勳鄭注保全國家若伊尹施法於民若后稷今無忌
知不能匡君使至於難仁不能救勇不能死敢辱君朝

以忝韓宗請退也固辭不立悼公聞之難雖不能死君而能讓不可不賞也使掌公族大夫解掌主也初爲公族大夫今使主之以是爲賞

悼公使張老爲卿解卿佐新軍也辭曰臣不如魏絳夫絳之知能治大官解大官卿也其仁可以利公室不忘解不忘利公室也其勇不疚於刑解疚病也勇能斷決也其學不廢其先人之職若在卿位外內必平且難止之會其官不犯解不犯戮揚于也而辭順不可不賞也公五命之固辭乃使爲司馬使魏絳佐新軍解事已見上欲見張老之讓故復言之

十二年公伐鄭軍於蕭魚解悼公十二年魯襄十一年

鄭從楚故伐之軍蕭魚鄭服也

疏軍於蕭魚○襄十一年經杜注蕭魚鄭地

路史國名紀少昊後嬴姓國修魚卽蕭魚也

鄭伯嘉造納女工妾三十人女

樂二八

解

嘉鄭僖公子簡公也女美女工樂師傳曰賂

晉以師慳師觸師蠲是也妾給使者女工妾凡三十人

女樂今伎女也八人爲侑備八音也或云女工有伎巧

者也與傳相遠失之矣賈侍中云妾女樂也下別有女

樂二八則賈君所云似非也

疏賂晉至八音○內傳孔疏引服虔內傳注三

師鐘師鐸師磬師調慳能鐘觸能鐸觸能磬也八人爲

侑者侑列也楚辭招魂王逢注二八二列也蓋女樂非

正樂故不歌鍾二肆解歌鍾歌時所奏肆列也凡縣鍾

備六八也

磬全爲肆半爲堵疏解歌鍾至爲堵○大司樂奏黃鍾

以祭地元奏姑洗歌南呂以祀四望奏蕤賓歌函鍾以

祭山川奏夷則歌小呂以享先妣奏無射歌夾鍾以享

先祖賈疏奏據出聲而言歌據合曲而說故知歌時當

奏鍾也襄十一年傳孔疏引國語孔晁注歌鍾以節

歌也疏又引小胥職云凡縣鍾磬半爲堵全爲肆鄭注

鍾磬者編縣之二八十六枚而在一簾謂之堵鍾一堵

磬一堵謂之肆半之者諸侯之卿大夫半天子之卿大

夫西縣鍾東縣磬土亦半天子之卿大夫半天子之卿大

言鍾與磬全乃成爲肆此傳於鍾卽言肆者十六枚而

在一簾古今皆同其簾不可分也簾不可分而云有全

有半明如鄭言鍾磬相對肆爲全單爲半此傳及寶鍾

言歌鍾二肆則兼有磬矣此二肆皆爲編縣也

解鋪小鐘也寶鄭所寶輅車十五乘解輅廣車也車輅

車也十五各十五也傳曰廣車輅車漚十五凡兵車百

乘漚偶也疏解輅廣至漚偶○夏官車僕鄭注廣車橫

陳之車內傳孔疏引服虔曰輅車屯守之

車射禮數射算二算爲純一算爲奇是淳爲偶也案天
官內宰出其度量淳制杜子春讀淳爲純則純淳古通
字戰國策錦繡千純昭二十六年內傳幣錦百兩蓋一
匹分兩端相對相合故曰兩亦曰純也此以淳爲偶之
義公賜魏絳女樂一八歌鐘一肆疏孔歌鐘一肆○內傳

之爲名實由鐘磬相對若磬無二肆則半賜魏絳無磬
矣安得云金石之樂也據此則賜絳亦有磬一肆矣

曰子教寡人和戎翟而正諸華於今八年之中七合諸

侯寡人無不得志請與子共樂之解八年和戎翟後八

年也七合諸侯一謂魯襄公五年會戚二謂七年會於

鄆三謂八年會於邢四謂九年同盟於戲五謂十年

會於粗六謂十二年會於亳城北七謂會於蕭魚疏合七

諸侯○楚十一年傳悼公言九合諸侯此傳言七合者
內傳孔疏引國語孔晁注不數救陳與成鄭虎牢餘爲

七也孔疏又引內傳服虔注九合諸侯者五年會於戚
一也其年又會於城棣救陳二也七年會於鄆三也八
年會於邢正四也九年會於戲五也十年會於柎六也
又成鄭虎牢七也十一年同盟於亳城北八也案內傳
言盟於戚會吳且命成陳則盟戚卽所以救陳又言諸
侯之師城虎牢而戌之卽會柎之諸侯則會柎卽所以
爲虎牢故此傳各并魏絳辭曰夫和我戎翟臣之幸也解
爲一事不數之也幸幸而合也八年七合諸侯君之靈也解靈神也二三
子之勞也解謂諸軍帥也臣焉得之解焉得專之公曰
微子寡人無以待戎無以濟河解微無也濟河而服鄭
也二二三子何勞焉子其受之君子曰能志善也解志識
也

悼公與司馬侯升臺而望曰樂夫解司馬侯晉大夫汝

叔齊樂見士民之殷富也對曰臨下之樂則樂矣德義
之樂則未也解善善爲德惡惡爲義公曰何爲德義對
曰諸侯之爲曰在君側解爲行也以其善行以其惡戒
可謂德義矣公曰孰能對曰羊舌肸習於春秋解肸叔
向之名春秋記人事之善惡而目以天時謂之春秋周
史之法也時孔子未作春秋疏解春秋至之法○春秋
所謂晉之乃召叔嚮使傅太子彪解彪平公也
乘是也

國語正義卷第十三終